



Broj: 12/09-34-1438-6/19
Zenica: 23.01.2020. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine FBiH“, broj: 49/05), Pravilnika o unutrašnjoj organizaciji i sistematizaciji radnih mjesta u Kantonalnom zavodu za urbanizam i prostorno uređenje u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-34-27995/12 od 20.12.2012. godine i Odluke Komisije za davanje prethodne saglasnosti za popunjavanje upražnjenih radnih mjesta u kantonalnim organima uprave i ostalim organima/ustanovama koji se u cijelosti ili djelimično finansiraju iz Budžeta Zeničko-dobojskog kantona, broj: 02-34-1438-2/19 od 02.12.2019. godine, direktor Kantonalnog zavoda za urbanizam i prostorno uređenje r a s p i s u j e

JAVNI OGLAS
za popunu radnog mjesta namještenika
u Kantonalnom zavodu za urbanizam i prostorno uređenje

Kantonalni zavod za urbanizam i prostorno uređenje raspisuje Javni oglas za prijem namještenika na radno mjesto:

1. „Viši referent – tehnički sekretar“ – 1 (jedan) izvršilac na neodređeno vrijeme.
2. „Referent za tekuće održavanje i upravljanje motornim vozilom“1 (jedan) izvršilac na neodređeno vrijeme.

„Viši referent – tehnički sekretar“

(1) Opis poslova

- a) obavlja administrativno - tehničke poslove za potrebe Zavoda,
- b) radi kompjutersku obradu teksta za sve organizacione jedinice Zavoda,
- c) obavlja poslove primanja, distribuiranja i odlaganja pošte,
- d) obavlja evidenciju o dnevnom prisustvu uposlenika na radu,
- e) obavlja poslove djelovodnog protokola (ulazna i izlazna pošta),
- f) vrši evidenciju putnih naloga,
- g) sačinjava i otprema naloge za plaćanje (ulazne i izlazne fakture),
- h) odgovoran je za poštivanje procedura utvrđenih ISO 9001:2008 standardima,
- i) vrši druge poslove koje mu odredi Direktor Zavoda.

(2) Status izvršioca: namještenik – viši referent

Uslovi

Pored općih uslova propisanih članom 24. Zakona o namještenicima u organima državne službe u Federaciji BiH (da je državljanin BiH; da je punoljetan; da ima opću zdravstvenu sposobnost za obavljanje poslova radnog mjesta; da ima vrstu i stepen školske spreme potrebnu za obavljanje radnog mjesta prema Pravilniku o unutrašnjoj organizaciji organa državne službe; da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivu vlasti u Federaciji, odnosno Bosni i Hercegovini; da nije obuhvaćen

odredbom člana IX 1. Ustava Bosne i Hercegovine), kandidat treba ispunjavati i sljedeće posebne uslove i to;

- IV stepen,SSS, srednja škola, najmanje 10 mjeseci radnog staža i poznavanje rada na računaru, položen stručni upravni ispit.

(Referent za tekuće održavanje objekta i opreme i upravljenje motornim vozilom)

(1) Opis poslova radnog mjesta:

- (a) vrši kontrolu i provjeru ispravnosti građevinskog objekta, te uređaja i opreme u radnim prostorima Zavoda,
- (b) obavlja poslove vozača i radi na održavanju motornog vozila,
- (a) radi na održavanju motornog vozila,
- (b) radi na kopiranju i umnožavanju planske i druge dokumentacije,
- (c) vodi evidenciju o potrošnji materijala za kopiranje,
- (d) vodi računa o ispravnosti strojeva za kopiranje,
- (e) povremeno obavlja kurirske poslove i poslove prijema i slanja pošte,
- (f) odgovoran je za poštivanje procedura utvrđenih ISO 9001:2008 standardima, vrši i druge poslove koje odredi i Šef Odjeljenja.

(2) Status izvršioca: namještenik - referent

Uslovi

Pored općih uslova propisanih članom 24. Zakona o namještenicima u organima državne službe u F BiH (da je državljanin Bosne i Hercegovine, da je punoljetan, da ima opću zdravstvenu sposobnost za obavljanje poslova radnog mjesta, da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji organa državne službe, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini, da nije obuhvaćen odredbom člana IX stav 1. Ustava Bosne i Hercegovine), kandidat treba da ispunjava i sljedeće posebne uslove, i to:

-SSS, IV stepen ili KV, 6 mjeseci radnog staža, vozačka dozvola B kategorije.

Prijavljivanje na oglas

Uz obaveznu prijavu sa kraćom biografijom, potrebno je priložiti i dokumentaciju (original ili ovjerenu kopiju):

- dokaz o stručnoj spremi, odnosno o vrsti i stepenu školske spreme (diploma o završenoj srednjoj školi)
- dokaz o radnom stažu (potvrda ili uvjerenje trenutnog ili ranijeg poslodavca u kojoj treba da su navedeni osnovni podaci o poslovima na kojima je kandidat radio ili radi: naziv radnog mjesta, precizan period radnog angažovanja na tim poslovima, po mogućnosti i opis poslova),
- uvjerenje o državljanstvu (ne starije od 3 mjeseca),
- izvod iz matične knjige rođenih (ne starije od 3 mjeseca),
- uvjerenje o poznavanju rada na računaru za radno mjesto pod tačkom 1.,
- uvjerenje o stručno- upravnom ispiu (ako su ispit položili) za radno mjesto pod tačkom 1
- dokaz o položenom vozačkom ispitu „B“ kategorije za radno mjesto pod tačkom 2.
- izjava kandidata ovjerena kod nadležnog organa da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u F BiH, odnosno Bosni i Hercegovini,

- izjava kandidata ovjerena kod nadležnog organa da nije obuhvaćen odredbom člana IX 1. Ustava Bosne i Hercegovine (kao dokaz ispunjavanja općih uslova propisanih članom 24. stav 5) i 6) Zakona o namještenicima u organima državne službe u Federaciji BiH .

Napomena za kandidate:

- Pod radnim stažom podrazumijeva se isključivo radni staž odnosno radno iskustvo u struci nakon stečene srednje školske spreme.
- Sa svim prijavljenim kandidatima koji ispunjavaju sve opće i posebne uslove za navedeno radno mjesto (što dokazuju priloženom dokumentacijom), obavit će se intervju.
- kandidat srednje školske spreme, koji u vrijeme prijema u radni odnos u organ državne službe ima potreban staž, a nije položio stručni ispit, može se primiti u radni odnos, ali je obavezan taj ispit položiti najkasnije u roku od šest mjeseci od dana prijema u radni odnos,
- izabrani kandidat podliježe probnom radu u trajanju od tri mjeseca, što će se posebno regulisati u Rješenju o prijemu u radni odnos na neodređeno radno vrijeme.

Primljeni kandidati će biti dužni dostaviti ljekarsko uvjerenje o zdravstvenoj sposobnosti prije preuzimanja dužnosti namještenika.

Oglas ostaje otvoren 15 (petnaest) dana od dana objavljivanja, računajući od dana posljednje objave javnog oglasa u 3 dnevna lista koja se distribuiraju na području Federacije Bosne i Hercegovine.

Javni oglas će biti objavljen i na web stranici Zeničko-dobojskog kantona:
<http://www.zdk.ba/javni-pozivi>.

Prijavu sa kratkom biografijom i dokazima o ispunjavanju uslova iz oglasa treba dostaviti lično ili putem pošte preporučeno na protokol Zeničko – dobojskog kantona, na adresu:

Zeničko – dobojski kanton

Ministarstvo za prostorno uređenje, promet i komunikacije i zaštitu okoline

Kantonalni zavod za urbanizam i prostorno uređenje

ul. Kučukovići broj 2, 72 000 Zenica

sa naznakom

„Javni oglas za popunu radnog mjesta namještenika – ne otvarati“.

Nepotpune i neblagovremene prijave neće se uzeti u razmatranje.

Direktor
Refik Zeković

Ministar:
Arnel Isak